

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 15-yanvar, chorshanba № 4 (15746)

ЎЗБЕКИСТОН RESPUBLIKASI ҚУРОЛЛИ КУЧЛАРИ ТАШКИЛ ЭТИЛГАННИНГ 22 ЙИЛЛИГИ МУНОСАБАТИ БИЛАН ВАТАН ҲИМОЯЧИЛАРИГА БАЙРАМ ТАБРИГИ

Хурматли аскар ва сержантлар, офицер ва генераллар, Қуролли Кучларимиз фахрийлари, қадрли юртдошлар!

Сизларни мамлакатимиз ҳаётидаги ғоят муҳим ва қутлуғ воқеа — Ватан ҳимоячилари кuni ва Қуролли Кучларимиз ташкил этилганининг 22 йиллиги билан чин қалбимдан самимий муборакбод этиш менга катта мамнуният бағишлайди.

Ўзбекистонда кейинги йилларда замонавий қурол-яроғ ва техника билан ҳар томонлама яхши таъминланган, ҳаракатчан, юксак талаб ва стандартларга жавоб берадиган, мамлакатимиз хавфсизлиги ва ҳудудий яхлитлигини, халқимизнинг тинч ва осойишта ҳаётини самарали ва ишончли ҳимоя қилишга қодир бўлган миллий армияни шакллантириш бўйича кўламини ва миқёсига кўра улкан ишлар тизимли ва босқичма-босқич равишда амалга оширилди.

Бу борада ташкилий-штат тузилмаларини бутунлай қайта кўриб чиқишга, шунингдек, юз бериши мумкин бўлган ҳарбий ҳаракатлар театрининг ўзига хос хусусиятларини ҳисобга олган ҳолда, Қуролли Кучларни тезкор-стратегик бошқаришнинг замонавий ва самарали тизимини яратишга, қўшин турларининг ўзаро келишиб ҳаракат қилишини такомиллаштиришга, уларни замонавий техника ва қурол-яроғлар билан таъминлашга, жанговар ва ўқув тайёргарликнинг маъно-мазмунини ўзгартиришга, ҳарбий хизматчиларни ижтимоий қўллаб-қувватлашни тубдан яхшилашга алоҳида эътибор қаратилди.

Минтақадаги тез ўзгариб бораётган ва мураккаб ҳарбий-сиёсий аҳвол ва вазиятнинг янада кескинлашиш эҳтимолини инобатга олиб, Қуролли Кучларимиз таркибидаги қисм ва бўлинмаларнинг жанговар имкониятлари ва куч-қудрати, ҳаракатчанлиги ва уларни бошқариш самарадорлиги сезиларли равишда оширилди.

Шу билан бирга, бугунги кунда дунёда ва ён-атрофимизда юз бераётган можаро ва тўқнашувлар, радикализмнинг кучайиши, Афғонистондаги урушнинг ҳамон давом этаётгани ва бу муаммони ҳал этиш борасида мавҳумлик сақланиб қолаётгани, терроризм ва диний экстремизмнинг фаоллашаётгани, тажовузкор наркотрафикнинг кенг тус олаётгани, чегараларимизга бевосита яқин ҳудудларда хавф-хатар кучайиб бораётгани — буларнинг барчаси бизда чуқур ташвиш ва хавотир уйғотмасдан қолмайди, албатта.

АЙСАФ деб аталмиш тинчликпарвар кучларнинг Афғонистондан олиб чиқиб кетилиши Марказий Осиё минтақасидаги барча мамлакатлар учун жиддий синовга айланиши, бизнинг жанубий сарҳадларимизда ва чегарадош ҳудудларда кескинликнинг янада кучайишига олиб келиши мумкин.

(Давоми 2-саҳифада)



Сардор Муллажонов фотокolleжи

■ Kela jakka qadam ■

ЯНГИ ДАРСЛИКЛАР ЯРАТИЛДИ

Мамлакатимизда илк мартаба 2-синфлар учун чет тили фанидан дарслик мажмуалари яратилди. Уларнинг тақдими Халқ таълими вазирлиги ҳузуридаги мультимедиа умумтаълим дастурларини ривожлантириш марказида бўлиб ўтди. Тадбир видеоконференция шаклида ташкил этилиб, унда барча вилоятлардаги амалиётчи ўқитувчилар дарсликлар муаллифлари билан бевосита мулоқот қилишди.

Ўзбекистон Республикаси Президентининг 2012 йил 10 декабрдаги «Чет тилларни ўрганиш тизимини янада такомиллаштириш чора-тадбирлари тўғрисида»ги қарорига мувофиқ, жорий ўқув йилидан бошлаб республикамиз умумтаълим мактабларида чет тили 1-синфдан ўқитилмоқда.

Бундан ташқари, бошланғич синф ўқувчилари хорижий тилларни мактабдан ташқари вақтда ҳам ўрганишлари мумкин. Шу мақсадда умумтаълим мактаблари ҳамда «Баркамол авлод» болалар марказларида махсус тўғарақлар очилди. Аини дамда мактабгача таълим муассасаларида ҳам чет

тилларни ўқитиш йўлга қўйилмоқда.

2-синфларга мўлжалланган янги ўқув адабиётлари инглиз, француз, немис тилларида яратилди. Булар — «Kids' English-2», «Deutsch macht spab-2» ҳамда «Hirondelle-2» дарсликларидир. Ҳар бир дарсликка машқ дафтари, ўқитувчи китоби ҳамда мультимедиа дарс машғулоти ёзилган диск илова қилинади.

Мазкур дарслик мажмуаларидан ҳозирча юртимиздаги фақат айрим мактаблар тажриба-синов тариқасида фойдаланишлари мумкин. Видеоконференцияда бу ҳақда батафсил маълумот берилди. Тажриба-синов ишлари шу йилнинг март ойигача давом этади. Экспериментда ҳар бир туман ва шаҳардан биттадан мактаб иштирок этмоқда. Масалан, «Kids'

English-2» дарслик мажмуасини синовдан ўтказиш учун юзта мактаб танлаб олинди. Ҳозирга қадар 2-синф инглиз тили дарслиги ва машқ дафтари 2,5 минг нусхада, ўқитувчи китоби икки юз нусхада чоп этилиб, худди шунча миқдорда тайёрланган диск билан бирга жойларга етказилди. Француз ва немис тилидан дарслик мажмуалари эса экспериментатор мактабларга электрон вариантда тақдим этилди.

Тажриба-синовда қатнашаётган мактабларда янги дарслик мажмуалари асосида чет тили дарслари ҳафтасига икки соатдан ўтилади.

Кейинги ўқув йилидан бошлаб 2-синфлар учун чет тили дарсликлари қолган умумтаълим мактабларида ҳам татбиқ этилади.

Наргиза УМАРОВА,
«Turkiston» мухбири



Sening tengdoshing

ЮКСАК МАРРАЛАРГА ИНТИЛАЁТГАН ҚИЗ

Юртимизда сўнги йилларда Шарқ яккакурашлари жадал ривожланиб бормоқда. Бунга ушу, муайтай, дзюдо, самбо, таэквондо, айкидо, хаккидо ва бошқа кўплаб спорт турлари оммаланиб бораётганини мисол келтириш мумкин. Бу спорт турлари билан бир қаторда, каратэ-до мамлакатимизда кўплаб спортсевар тенгдошларимиз қалбидан мустақкам жой олган.

ни машқ қилдираётган мураббийдан мен ҳам шуғуллансам бўладими, деб сўрадим. Шунда мураббий менга қараб: «Майли, бугунчалик шундоқ кузатақол, эртадан машқларни бошлайсан», деди. Ўша кундан каратэдаги фаолиятим бошланди.

— **Сизга бу спорт турининг қайси жиҳатлари ёқади?**

— Барча спорт турлари каби каратэ ҳам иродани тоблайти, сабрга ўргатади. Каратэ жуда гўзал спорт тури. Унинг икки йўналиши бор: бири кумите, яна бири ката. Менга ката йўналиши кўпроқ ёқади. Сабаби, унда каратэнинг барча гўзал жиҳатлари яққол кўринади.

— **Сизнингча, спорт қизлар ҳаётида нечоғли аҳамиятга эга?**

— Менинг назаримда, қизлар нозик ва заиф бўлади, деган қараш тўғри эмас. Бугунги кунда қизлар ва аёллар ҳаётнинг кўпгина жабҳаларида муваффақиятга эришмоқда. Масалан, спортда ҳам. Бунда, албатта, аёл организмнинг ўзига хос жиҳатларини яхши биладиган ва керакли вазифаларни берадиган мураббий қўл остида шуғулланиш муҳим аҳамиятга эга. Шу маънода, Шарқ яккакурашлари,

жумладан, каратэ биз, қизларнинг ҳар томонлама камол топишимизга кўмаклашмоқда, ҳаётимизда муҳим аҳамиятга эга бўлмоқда.

— **Шарқ яккакурашларида устозга ҳурмат туйғуси муҳим ўрин тутати. Каратэда ҳам шундай бўлса керак. Биринчи устозингиз ким?**

— Албатта, устоз каратэда ҳам жуда ҳурматли инсон ҳисобланади. Мисол учун мураббийдан кейин машқ майдонига кириб бўлмайди, ҳамма спортчилар йиғилгандан сўнгина устоз кириб, машқни бошлайти. Менинг биринчи устозим 5-ДАН қора белбоғ соҳибни Комил Одиллов. Ҳозирги кунда Нурмуҳаммад Эминов, Темур Мироқилов каби устозлар қўл остида шуғулланибман.

— **Каратэдан ташқари, яна нималар билан шуғулланасиз? Келажакдаги орзуларингиз...**

— Мен дизайнерлик билан ҳам астойдил шуғулланаман. Келажакда ҳар икки соҳада ҳам Ўзбекистон байрогини юксакка кўтариб, мамлакатимиз номини жаҳонга янада танитмоқчиман.

**Жавоҳир ТОШХЎЖАЕВ
суҳбатлашди**

Tashabbus

Ватан ҳимоячилари кун муносабати билан юртимиздаги барча мактабларда «Жасорат дарслари» бўлиб ўтди. Ўқувчилар фахрий ҳарбийлар, ёзувчи ва шоирлар, таниқли санъаткорлар билан учрашиб, Ватан ҳимояси, миллий армиямиз салоҳияти ва қудрати ҳақидаги суҳбатлардан баҳраманд бўлдилар.

МАКТАБЛАРДА ЖАСОРАТ ДАРSLARI

Эслатиб ўтиш керак, 2013 йилнинг 15 декабрдан 2014 йилнинг 14 январигача таълим муассасаларида «Ҳарбий-ватанпарварлик ойлиги» эълон қилинган эди. Ойлик давомида «Армия — мустақиллигимиз ва эркинлигимиз кафолатидир», «Армияда хизмат шарафлидир», «Миллий армиямиз — гуруримиз» каби мавзуларда давра суҳбатлари ва учрашувлар ташкил этилди. Бундан ташқари, ўқувчилар ўртасида ватанпарварлик руҳидаги энг яхши деворий газета ҳамда «Аждодлар қаҳрамонлиги — ёшларга ибрат» мавзuida ижодий иншолар танловлари ўтказилди.

Айни кунларда республикамиздаги болалар мусиқа ва санъат мактабларида ҳам байрам шукухи ҳукмрон. Ушбу таълим масканларида «Мардлар кўриқлайди Ватанни!» шиори остидаги кўшиқлар танлови бўлиб ўтмоқда. Яқинда танловнинг худудий босқичи якунланди.

Ойлик доирасидаги турли қизиқарли экскурсиялар ҳам ўқувчилар хотирасида муҳрланадиган бўлди. Саёҳат жараёнида улар пойтахтимиздаги Қурулди Қочқар марказий музейи, худудлардаги олий ҳарбий таълим муассасалари ҳамда ҳарбий қисмлар фаолияти билан танишдилар. Бундай тадбирлар ёшларда Ватанга садоқат ҳиссини кучайтиришга хизмат қилмоқда.

**Нодирбек НЕЪМАТОВ,
Андижон машинасозлик институти
талабаси**

Каратэ юртимизда нафақат ўғил болалар, балки қизлар орасида ҳам оммаланиб бормоқда.

Кўп карра Ўзбекистон чемпиони, жаҳон чемпионатида икки маротаба кумуш медаль совриндори бўлган, Шарқ яккакурашлари «Тўмарис маликаси — 2013» танловининг ғолиби, каратэ билан мунтазам шуғулланиб келаётган Ҳилола Бадалова билан шу ҳақда суҳбатлашдик.

— **Ҳилола, каратэ билан шуғулланишингизга нима сабаб бўлган?**

— Мактабимизда спорт тўғараклари кўп эди. Бир кун янги тўғарак очилгани ҳақида эшитиб қолдим. Унга қатнашаётган болаларни, уларнинг оппоқ кийимларини, бажараётган машқларини кўриб, бу қайси спорт тури эканлигини билганимдан сўнг улар-

Reklama



МИЖОЗЛАР МАНФААТИ — АСОСИЙ МЕЗОН

Бугун республикамизда ижтимоий-иқтисодий соҳаларда олиб борилаётган ишлар тармоқларни модернизация қилиш ва янгилашни изчил давом эттиришга қаратилган. Асосий мақсад реал секторни ривожлантириш, республикамизда ишлаб чиқариш муносабатининг мазмун-моҳиятини ўзгартариш ҳамда инфратузилмани шакллантиришдир.

Бунда барча мутасадди ташкилотлар ва муассасаларнинг диққати ишлаб чиқариш корхоналарини замонавий техника ва технологиялар билан таъминлаш, маҳаллийлаштирилган ва экспортга йўналтирилган ишлаб чиқариш қувватини ошириш, аҳолини сифатли озик-овқат ва ноозиқ-овқат маҳсулотлар билан таъминлаш ҳамда уларнинг иш би-

лан бандлигини кучайтиришга қаратилган. ОАИТ «Ипак Йўли» банкининг кредит ва инвестиция фаолиятида мамлакатимиздаги кичик бизнес ва хусусий тадбиркорликни молиялаш, реал секторни барқарорлаштиришни қўллаб-қувватлаш ўз ифодасини топган.

Хусусан, 2013 йил давомида ОАИТ «Ипак Йўли» банки томонидан

тадбиркорлик субъектларини молиявий қўллаб-қувватлаш бўйича жами 97 миллиард сўм миқдорда микрокредитлар ажратилган бўлиб, ажратилган микрокредитларнинг 35 фоизи ишлаб чиқаришга, 48 фоизи савдога ва 17 фоизи хизмат кўрсатиш соҳаларига йўналтирилди.

ОАИТ «Ипак Йўли» банкида халқаро молия институтлари билан ҳамкорлик қилиш, уларнинг кредит линияларини жалб этиш борасида ишлар давом этмоқда. Жумладан, ўтган йил мобайнида банк Германия Тараққиёт банки ҳамда Осиё Тараққиёт банкининг кредит линияларини жалб қилган ҳолда, республикамизда хусусий секторни жадал ривожлантиришга, хусусан, айланма маблағларни оширишга, ўз фаоли-



тини техник ва технологик жиҳатдан янгилашга ва янги иш ўринларини яратишга ўз ҳиссасини қўшиб келмоқда.

Мисол тариқасида ОАИТ «Ипак Йўли» банки бош офисининг миҳозларидан бири, ҳозирги кунда болалар кийимларини ишлаб чиқараётган «Vizir Collection» масъулияти чекланган жамиятини кўрсатиш мумкин. Жамият ва банк ўртасида тузилган кредит шартномасига асосан, 150 миллион сўм миқдорда кредит аж-

ратилган бўлиб, ажратилган кредитлар ип ва материал маҳсулотларини сотиб олишга йўналтирилди. Жамият раҳбари М.Раҳимовнинг айтишича, ажратилган кредитлар ҳисобига қўшимча 15 та иш ўрни яратилиб, ҳозирги кунда жамиятда етмишдан ортиқ киши иш билан таъминланган. Ишлаб чиқарилаётган маҳсулотлар нафақат ички бозорда, балки чет эл бозорларида ҳам катта талабга эгалигини ишлаб чиқарилган маҳсулотлар-

нинг 30 фоизи қўшни республикаларга экспорт қилинишида кўришимиз мумкин. Жамият томонидан 2014 йилда янги ишлаб чиқариш объектларини ташкил қилиш, шунинг ҳисобига янги иш ўринларини яратиш, ишлаб чиқарилаётган маҳсулотларнинг экспорт ҳажмини ошириш, чет эл тадбиркорлари билан ҳамкорлик ўрнатиш ва у ерда савдо жойларини ташкил этиш режалаштирилмоқда.

Шодмон ЭШБОЕВ

Harakat ko'zgusi

«КАМОЛОТ»ДА VI ҲИСОБОТ-САЙЛОВ КОНФЕРЕНЦИЯЛАРИ

«Камолот» ёшлар ижтимоий ҳаракатининг туман ва шаҳар кенгашларида сарҳисоб ишлари бошланди. Гап шундаки, Ҳаракат тизимида олтинчи бор ўтказилаётган ҳисобот-сайлов конференцияларида икки ярим йил давомида кимнинг қандай ишлагани ойдинлашмоқда. Мухбирларимиз бу ҳақда хабар қилишади.

ФАРФОНА ВИЛОЯТИ. Ҳаракатнинг Учкўприк тумани кенгашида ҳам навбатдаги ҳисобот-сайлов конференцияси бўлиб ўтди. Конференция аввалида Ҳаракатнинг туман кенгаши раиси Асроржон Маҳмудовнинг икки ярим йиллик фаолияти юзасидан ҳисоботи тингланди. У ўз сўзида ўтган давр мобайнида туман кенгаши иқтидорли ёшларни излаб топиш, уларнинг истеъдодини юзага чиқаришга кўмаклашиш, ёшларни тадбиркорлик ва касб-хунарга ўргатиш бўйича қатор ишлар қилинганини қайд этди. Эришилган ютуқлар билан бирга, йўл қўйилган камчиликлар ва муаммоларни ҳам айтиб ўтди.

— Тумандаги ҳар бир йигит-қизни иқтидорли, деб биламан, — дейди Учкўприк тумани ҳокими Мухаммаджон Деҳқонов. — Уларнинг қобилият ва истеъдодларини юзага чиқариш, билимли ёшларни юксак марралар сари одимлашларига қанот бағишлашда «Камолот» ёшлар ижтимоий ҳаракатига таянамиз. Улар бу масъулиятли вазифани сидқидилдан уддалашяпти.

Конференцияда сўз олган делегатлар «Камолот» ЁИҲнинг ҳамкор ташкилотлар билан мустаҳкам алоқаларини йўлга қўйиш таклифини билдиришди. Конференция давомида Ҳаракатнинг вилоят кенгаши конференциясида қатнашадиган делегатлар сайланди. «Камолот» ЁИҲ Учкўприк тумани кенгаши раислигига эса амалдаги раис Асроржон Маҳмудовнинг номзоди делегатлар томонидан маъқулланди.

Конференция сўнгида тумандаги 20-болалар мусиқа ва санъат мактаби ўқувчилари ўз санъатларини намойиш этишди.

Нодиржон ЮСУПОВ,
«Turkiston» мухбири

ТОШКЕНТ ВИЛОЯТИ. «Камолот» ёшлар ижтимоий ҳаракати Бекобод шаҳар кенгашининг VI ҳисобот-сайлов конференциясида Ҳаракатнинг икки ярим йиллик фаолияти сарҳисоб қилинди.

Бекобод шаҳар тиббиёт коллежининг «Сарҳад» жамоаси «Ёш чегарачилар — 2012» танловининг республика босқичида голиб чиққан бўлса, қурилиш ва уй-жой коммунал хўжалиги коллежининг «Соҳибқирон» жамоаси «Сиз қонунни биласизми?» кўрик-танловида, 11-мактабнинг «Баркамол авлод» жамоаси эса «Камалак» билимдонлари кўрик-танловининг республика босқичларида фаол иштирок этган. Шу ўринда 11-мактаб ўқувчиси Малика Жабборованинг «Ораста қизлар» республика танлови иштирокчиси бўлганлиги, қурилиш ва уй-жой коммунал хўжалиги коллежи битирувчиси Абдулвосит Иномовнинг «Менинг бизнес гоям» танловининг республика босқичида голибликни қўлга киритганини таъкидлаш ўринлидир. Усмир қизлар ўртасида «Сайхун маликалари» мини футбол мусобақасининг ўтказилаётгани ҳамда ёш ижодкорларнинг «Илҳом» маҳорат мактаби ташкил этилгани эътиборга молик. Бу ҳақда Ҳаракатнинг Бекобод шаҳар кенгаши раиси Адҳам Ниёзовнинг ҳисобот маърузасида маълум қилинди.

Ютуқлар билан биргаликда йўл қўйилган камчиликлар, ечимини кутаётган масалалар ҳам тилга олинди. Хусусан, вояга етмаганлар ва ёшлар ўртасида назорат-профилактика ишларини янада кучайтириш лозимлиги қайд этилди.

Кун тартибидаги ҳисобот маъ-

рузаси юзасидан қизгин баҳс-мунозаралар бошланди. Биз конференция иштирокчиларининг фикр-мулоҳазаларини ёзиб олдик.

Азиза Гаффорова, Бекобод шаҳар тиббиёт коллежидаги «Камолот» ЁИҲ бошлангич ташкилоти етакчиси:

— Бирор кунни шаҳар миқёсида «Камолот» куни» деб белгилаш керак. Шунингдек, касб-хунар коллежларидаги бошлангич ташкилотлар ўртасида «тенгдош тенгдошга» тамойили асосида ҳамкорлик алоқаларини мустаҳкамлаш зарур.

Жамила Эшматова, 3-мактабдаги «Камолот» ЁИҲ бошлангич ташкилоти етакчиси:

— Шаҳримизда футбол, кураш, бокс ва сузишга қизиқадиган тенгдошларим кўп. Улар учун «Сув париси», «Камолот» белбоғи» турнирларини ташкил этиш лозим.

Наргиза Раҳмонова, «Камолот» ЁИҲ фаоли:

— Биз, «Камолот»чилар учун етарли шароитлар яратиб бериляпти. Лекин унга астойдил жавоб бера олаяпмизми? Демак, ҳали кўп ишлашимиз керак. Фаолиятни янада оширишимиз зарур.

Конференцияда Ҳаракатнинг Бекобод шаҳар кенгаши аъзолари, назорат-тафтиш комиссияси таркиби тасдиқланди. Амалдаги раис Адҳам Ниёзов бир овоздан «Камолот» ЁИҲ Бекобод шаҳар кенгаши раислигига қайта сайланди. Конференция сўнгида Ҳаракатнинг Тошкент вилояти кенгаши конференциясига ҳам делегатлар сайланди.

Ашурвали БОЙМУРОД,
«Turkiston» мухбири



ЭЛ ОСОЙИШТАЛИГИ ЙЎЛИДА

Юртбошимиз ташаббуси билан Ички ишлар вазирлиги тасарруфидоги патрул-пост хизмати моддий-техник жиҳатдан мустаҳкамлашиб, уларга ҳар қандай табиий шароитларга мос, мамлакатимизда ишлаб чиқарилган, замонавий технологиялар билан жиҳозланган автомобиллар ажратилмоқда.

биллар туркуми берилди. Осойишталик посбонлари хизматни ўташ пайтида мамлакатимизда ишлаб чиқарилган «Nexia» автомобиллари, «ISUZU» автобуслари ҳамда хориждан келтирилиб, махсус жиҳозланган «УАЗ» автомашиналаридан фойдаланмоқдалар. Бу эса, жамоат тартибини сақлаш, аҳоли тинчлигини ва тезкор фаолиятни таъминлашда асосий омил бўлмоқда.

СУРАТДА: ППХ батальони 2-отряд командири, капитан Хусан Муқимов батальон милиционерлари билан галдаги вазифаларни муҳокама қилаётир.

Икром ҲАСАНОВ фотолавҳаси



Улкан кема макети

Хитойнинг Сичуань провинциясидаги маданият ва истироҳат боғида «Титаник» кемасининг макети қурилади.

Анчагина катта кўринишда қурилаётган макетда кеманинг ички кўриниши билан танишиш ва кема чўқаётгандаги шовқинли махсус эффектлар ичида бўлиш мумкин. Тахминан 2016 йилда қуриб битказилиши учун 165 миллион АҚШ доллари сарф этиладиган бу лайнер дунёдаги энг катта attraction бўлиши кутилмоқда.

Янги фойдали лойиҳа

Норвегияда ёввойи ҳайвонлар билан боғлиқ автофалокатлар сони кескин кўтарилиб кетди.

Натижада ўрмондаги йирик ўтхўр ҳайвонларга ёруғлик қайтарувчи махсус қоғозлар ёпиштирилди. Лойиҳа асосан буғулардан бошланди. Мамлакатдаги деярли барча буғуларнинг шохларига ёруғлик қайтарувчи ёрликлар ёпиштирилди. Улар табиий маҳсулотлардан тайёрлангани боис, жониворга ҳам, атрофдагиларга ҳам зарари йўқ. Мамлакат йўл ҳаракати хавфсизлиги ҳодимлари лойиҳа белгиланган муддатда самара берса, бошқа ҳайвонларга ҳам ёрликлар ёпиштирилишини маълум қилишди.

Кўчирмакашликнинг олди олинади

Белгиядаги мактабда кўчирма-чиликнинг олдини олишда кичик учувчи қурilmалардан фойдаланила бошланди.

Лойиҳа мамлакатнинг Томас Мор номидаги мактабидан бошланди. Учувчисиз қурilма — «DJI Phantom» синфхона бўйлаб учиб юриди ва ўқувчининг ишини ўқитувчининг планшетига узатади. Ўқитувчи эса, ўз навбатида, тартибни бузган ўқувчига чора кўради.

Мутахассислар бунотўғри методика, деб баҳолашди. Уларнинг сўзларига қараганда, боланинг тепасида учиб юрган жисм уни чалғитиши ёки фикрини бузиши мумкин. Учувчисиз, компьютер ва планшетлар орқали бошқариладиган қурilmалардан бир неча мамлакатларда пицца ташишда ҳам кенг фойдаланилади.

Яхшиям одамлар жабр кўрмади

Венгриянинг Будапешт шаҳридаги «СIB Bank» офисида портлаш содир бўлди.

Эрталаб юз берган воқеа натижасида ҳеч кимга зарар етмаган. Фалокат туфайли бино яқинидаги уйларнинг ойналари синиб кетди. Гувоҳларнинг сўзларига қараганда, воқеа жойига охириги марта номаълум мотоцикл келиб кетган. Полиция мамлакат бўйлаб қидирув эълон қилди.

«СIB Bank» мамлакатдаги энг йирик банк эди.

Интернет манбалари асосида
Жавоҳир КАРОМАТОВ тайёрлади

Тошкент вилояти ички ишлар бошқармаси патрул-пост ва жамоат тартибини сақлаш бошқармаси патрул-пост хизмати батальонига ҳам янги автомо-

